

## **Informacijako lil pel Nacionalnone Datango Losarimasko thaj Informacijangi Slobodijako Autoriteto**

Le Nacionalnone Datango Losarimasko thaj Informacijangi Slobodijako Autoritetoski (skurto: le NDLISA) traba si – kasavi sar le maj anglunes butyi kerdo datango losarimasko biztoshi, de maj puterdya kompetencijasa – te kontrolalil thaj te zhutil le manushenge te zhanen te ferin le zhenutne data, thaj le publikone interesno thaj anda publiko interesno puterdyi data te pinzharen thaj t'avel zakono te shaj pinzharenle.

Leski traba maj anglunes le zhenutna autonomijako zakonosko thaj le informacijaki slobodijako zakonosko 2011-tone bershengo CXII-to kris regularel. Pala kadi:

- zhenutni data kerdyol akarsoski data, so le zhenesa ande kopchimaste shaj anelpe, konkluzija, phenas anav, kontakto (emailosko adreso, beshimasko adreso, telefonosko numero tkmd.), kvalifikacija, love palaj butyi, de vi leski/laki butyako, vaj leski/laki lovengi situacija;
- publikone interesno data si kodi, so le statosko vaj autonomijako organizacija, lenge organizaciji menedzhelin, thaj kodole, so kethanutne lovenca foglalkozin, phenas konvenciji, kontraktura, thaj kodole datangi maj bari rig, so andel cegongo registeri si.
- anda publiko interesno puterde dati kasave zhenutne dati si le, savengo publikipe kris garantilil, phenas le statoske organizacijange sherunengo anav, shtatusi, potyin, vaj jekh ekonomijako tarshoshagosko sherunosko anav.

Andel vatyimata, so karing le NDLISA resen, le manusha butivar kodi phenen, ke lenge zhenutne dati bikrisako menedzhelinas, vaj chi bistoshitinas (hajkam limitisarnas) o shajipe te pinzharen le publikone interesno data, vaj anda publiko interesno puterdyi data. Kodi phenas ke maj anglunes trubul te boldelpe karing le datango menedzheri te oldil le zakonengi violacija ande peski kompetencija. Te najles rezultato, le NDLISA andel egzaminacijako proceso egzaminilil o vatyipe, thaj avri phenel te na inkren maj dur le bikrisaki situacija.

Te naj rezultato le avri phenimaske, vaj andaj oficija te trubul te egzaminilil, ke kasave bikrisakej le datange menedzhelimaske krujalipe (phenas e butyi karing but manushen resel, vaj bari zijand shaj kerel lenge), andel datango losarimaske trabi si shajipe te keren autoritetoske proceso, kade apal zhi kaj 10 miliovo forintura shaj zhal le datango losarimaske birshago.

Le publikone interesnone datango pinzharipe fundutno zakono si, dujengo musajipe si le kethanutne trabenge organizacijan palal informacijangi slobodija: anglunes pej webbrig trubul te ulaven le dati so ando zakono si iskirime, thaj trubulas avri te den le dati so kamen lendar. Shaj boldelpe karing le NDLISA te na ulaven le dati, vaj hianyzimaskej, dulmutanej le, vaj pre but love kamen te mangel te keren le reprodukciji.

Le NDLISA datango losarimaske registeri kerel.

Le datango losarimasko audito jekh kasavo slugipe kathar o NDLISA pe lovende, so le datango menedzheri shaj kezdil vi anglal plankerde datange losarimata. E analiza inkrelpe le opre rode rizikova, sama lelavel pel dyakorlatura so mamuj si le zakononde, thaj vi shaj den tanacha sar trubul te oldin le problemi.

Kasavi butyi avla kathar o 2015-to bershengo oktoberi 1-to dyes o musajno organizacijaki regulacijako profeso palaj ratifikacija, so zhutil te bishaven le dati le datake menedzherenge andel avrutne thema (avral la Europake Ekonomijaki Zona), thaj valalin te bistoshitin le zhenutne datango feripe po lasho nivelo.

Vazhno autoritetoski butyi si anda oficijate kerdo tajnako kontrolimasko proceso, so le nacionalnone datangi (kaversar: statoske tajni) kalifikacija egzaminilil thaj vi hatarozato shaj anel te khosel o tajnaripe – te na hatyaren jekh o kalifikatori le NDLISA-ke shinadya vorbasa, les trubul te tamadil o hatarozato angla mujalipe.

Le NDLISA sar nacionalno datango losarimasko autoriteto lel peski rig andel mashkarthemutne kethane kerimata andej Unija thaj vi avral, kade phenas kontrolisarel la Shengenaki Informacijaki Sistema (SIS), o Europol, le Vizumosko Informacijaki Sistema (VIS) ando Ungriko Them. Le kondiciji karing kodi, sar trubul avri te den le datange losarimaske panasura, avri si pel NDLISA-ki webbrig tela „Informaciji so ande kopchimastej nacionalnone trabenca”.

Nacionalnone Datango Losarimasko thaj Informacijangi Slobodijako Autoriteto (Ungrika:  
Nemzeti Adatvédelmi és Információszabadság Hatóság)

1125 Budapest, Szilágyi Erzsébet fasor 22/C.

Telefon: +36-1-3911400

Telefax: +36-1-3911410

E-mail: [ugyfelszolgalat@naih.hu](mailto:ugyfelszolgalat@naih.hu)